
OPERATORI I BLERJEVE TË PËRQËNDRUARA

Tiranë, më 03.08.2026

PROCESVERBAL- Tipi i kontratës - Shërbime

PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS: "FV riparim dhe mirëmbajtje e pajisjeve TIK (printera dhe fotokopje të Aparatit të Ministrisë së Punëve të Brendshme".

KODI PËRKATËS NË FJALORIN E PËRBASHKËT TË PROKURIMIT (FPP): 50323000-5, 50312000-5.

VLERA E FONDIT LIMIT: 1,007,000 (një milion e shtatë mijë) lekë pa TVSH.

Në bazë të nenit 21, pika 2, të Ligjit nr.162/2020 "Për prokurimin publik", dhe nenit 78, pika 2, të VKM nr. 285, datë 19.05.2021 "Për miratimin e rregullave të prokurimit publik", i ndryshuar, Autoriteti/enti kontraktor Operatori i Blerjeve të Përqëndruara sh.a. ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar.

KRITERET E VEÇANTA TË KUALIFIKIMIT

1. Ofertuesi duhet të paraqesë:

a. Formularin Përmbledhës të Vetëdeklarimit, sipas shtojcës 10

b. Sigurimin e Ofertës, sipas Shtojcës 3;

Argumentimi: Kërkesat e mësipërme bazohet në nenin 82 dhe 83 të LLP-së Nr. 162/2020 "Për Prokurimin Publik" i ndryshuar, si dhe nenet 14/1, 14/2, 25, 26 të V.K.M-së Nr. 285, datë 19.05.2021 "Për Miratimin e Rregullave të Prokurimit Publik" i ndryshuar.

a. .Formularin Përmbledhës të Vetëdeklarimit, sipas Shtojcës 10;

Argumentimi: Ky kriter u vendos me mbështetje të nenit 76 të Ligjit nr. 162/2020 "Për Prokurimin Publik", dhe të nenit 26 të V.K.M nr. 285, datë 19.05.2021 "Për Miratimin e Rregullave të Prokurimit Publik", i ndryshuar, në të cilën është e përcaktuar se: "1 Bashkë me dorëzimin e kërkesave për pjesëmarrje ose të ofertave, autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas përcaktimit në nenin 82, të LLP-së, dhe në këto rregulla.

b. Sigurimin e Ofertës, sipas Shtojcës 3:

Argumentimi: Ky kriter u vendos në mbështetje të nenit 83 Ligjin nr.162, datë 23.12.2020 “Për Prokurimin Publik”, i ndryshuar, në të cilën është e parashikuar se: Pika 1 Neni 83: *Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël.* Pika 2 Neni 83: *Autoriteti ose enti kontraktor duhet të specifikojë në dokumentet e tenderit: a) vlerën e kërkuar të sigurimit të ofertës, e cila duhet të jetë 2% e vlerës së përllogaritur të kontratës; b) çdo kërkesë për natyrën dhe formën e sigurimit të ofertës, si dhe mbështetje të nenin 30 të V.K.M-së nr. 285 date 19.05.2021 “Për Miratimin e Rregullave të Prokurimit Publik” i ndryshuar.*

2. Ofertuesi duhet të paraqesë:

2.1 Kapacitetin profesional të operatorëve ekonomikë:

Referuar pikës 1 të shtojcës 9, ofertuesi duhet të deklarojë se përmbush kriteret e përgjithshme të pranimit/kualifikimit. Këto kriteret duhet të plotësohen me dorëzimin e vetëdeklaratës me shkrim të subjektit, në ditën e hapjes së ofertës, sipas Shtojcës 10.

Argumentimi: Kërkesa e mësipërme bazohet në nenin 76 të ligjit Nr. 162, datë 23.12.2020 “Për prokurimin publik” i ndryshuar dhe nenit 25 të VKM-se Nr. 285, datë 19.05.2021 "Për miratimin e Rregullave të Prokurimit Publik" i ndryshuar.

2.2 Kapaciteti ekonomik dhe financiar:

2.2.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore të 3 (tre) viteve të fundit financiare (2023-2024-2025), ku vlera e xhiros për të paktën një nga vitet e periudhës së kërkuar duhet të jetë jo më e vogël se 39 % e vlerës së fondit limit.

Kërkesa e mësipërme konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar.

Argumentimi: Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, të ligjit Nr. 162, datë 23.12.2020 “Për prokurimin publik” i ndryshuar, si dhe nenit 43, pika 2, germa c, të VKM nr. 285, datë 19.05.2021 “Për miratimin e rregullave të prokurimit publik”, i ndryshuar, ku është përcaktuar qartë vlera e kërkuar për xhiron minimale vjetore, si dhe Rekomandimit të APP-së nr. 7998 date 24.12.2021 “Rekomandim hartimin e kriterëve për kualifikim për procedurat e prokurimit për mallra, punë, shërbime”. Vlera e kërkuar është brenda kufijve të vendosur në dispozitat më sipër, dhe është vendosur me qëllim që Autoritetet Kontraktore të sigurohet për potencialin ekonomik-financiar të OE ofertues, që lidhet drejtëpërdrejtë me qëndrueshmërinë dhe vijimësinë e veprimtarisë së operatorëve ekonomikë në treg, si një element i rëndësishëm në realizimin e objektit të prokurimit dhe përmbushjes së detyrimeve kontraktore.

Përcaktimi i viteve të kërkuara për paraqitjen e vërtetimit të xhiros vjetore është bërë duke iu referuar legjislacionit të fushës, konkretisht, nenit 43, pika 1, të VKM nr.285, datë 19.05.2021 “Për miratimin e rregullave të prokurimit publik”, i ndryshuar. Autoritetet Kontraktore në vendosjen e këtij kriteri ka mbajtur në vëmendje nenin 61 të Ligjit nr.29/2023 "Për tatimin mbi të ardhurat" i ndryshuar, si dhe kërkesat e Ligjit nr. 25/2018 “Për kontabilitetin dhe pasqyrat financiare”.

2.3 Kapaciteti teknik:

2.3.1 Operatori ekonomik duhet të paraqesë dëshmi për shërbimet e mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 19 % të vlerës së fondit limit.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- a) Për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës, ose faturave tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore ku shënohen datat, shumat dhe shërbimet e realizuara.
- b) Për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimet e realizuara.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik”, i ndryshuar dhe nenit 55, pika 4, gërma b, të VKM nr. 285, datë 19.05.2021 “Për miratimin e Rregullave të Prokurimit Publik”, i ndryshuar. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën jo më pak se 19 % të vlerës së fondit limit, që është brenda vlerës kufi të përcaktuar në dispozitat e sipërcituara.

Përcaktimi i vlerës së kërkuar për kontratat e ngjashme argumentohet si më poshtë:

Vlera e kërkuar është përcaktuar bazuar në legjislacionin e fushës, konkretisht, nenit 55, pika 4, gërma b, të VKM nr. 285, datë 19.05.2021 “Për miratimin e Rregullave të Prokurimit Publik”, i ndryshuar, duke shërbyer kështu si një garanci për Autoritetet Kontraktore, që ofertuesit zotërojnë kapacitete dhe eksperiencë për të zbatuar marrëveshjen kuadër, me sukses sipas një standarti të përshtatshëm cilësie dhe në përmbushje të specifikimeve teknike.

2.3.2 Operatorët ekonomikë duhet të ketë personelin teknik të nevojshëm për realizimin e e shërbimit objekt prokurimi, si më poshtë:

a. 1 (një) inxhinieri të fushës së teknologjisë së informacionit IT, informatikës, inovacionit, elektronikës apo mekanik. Për keta punonjës të paraqitet diploma dhe kontrata e punës e vlefshme me operatorin ekonomik ofertues.

b. 1 (një) punonjës teknikë të cilet do të kryejnë funksionin e mirembajtjes së paisjeve dhe do të realizojë asistencën teknike gjatë kryerjes së shërbimit. Për kete punonjës të paraqitet kontrata e punës e vlefshme me operatorin ekonomik ofertues.

c. 1 (një) nga punonjësit e mësipërm të përmendur në pikën a dhe b, duhet të jetë i trajnuar/certifikuar nga prodhuesit /distributorët e autorizuar të paisjeve/ organe të akredituar kompetente ose ekuivalente për shërbim mirembajtje printerash apo pajisjesh elektronike. Në lidhje me keta punonjës të paraqitet edhe certifikimi perkates.

Ky Kriter konsiderohet i përmbushur me plotësimin e formularit sipas shtojcës 10 të DT. Deklarata provuese të kërkuara më sipër, do të paraqiten nga ofertuesi i kualifikuar i pari, përpara publikimit të njoftimit të fituesit dhe nisjes së afateve të ankimit ose nëse kërkohen sqarime nga Autoriteti Kontraktor.

Argumentimi: Në mbështetje të nenit 77, pika 4, të ligjit nr. 162/2020 “Për prokurimin publik”, të ndryshuar, si dhe nenit 41, pika 4, shkronjat b) dhe c), të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar, Autoriteti Kontraktor ka të drejtë të

kërkojë nga operatorët ekonomikë dëshmi mbi disponimin e personelit të nevojshëm dhe të kualifikuar për realizimin me sukses të kontratës. Kërkesa për disponimin e personelit teknik përbën një element thelbësor të kapacitetit profesional të operatorëve ekonomikë ofertues dhe lidhet drejtpërdrejt me natyrën dhe kompleksitetin e objektit të prokurimit. Fusha e diplomimit e kërkuar është përcaktuar në mënyrë gjithëpërfshirëse dhe jo kufizuese, duke përfshirë teknologjinë e informacionit, informatikën, elektronikën, inovacionin, mekanikën apo fusha të tjera të ngjashme që lidhen me realizimin e shërbimit objekt prokurimi, duke garantuar kështu pjesëmarrjen e gjerë të operatorëve ekonomikë në procedurë. Kërkesa për disponimin e një inxhinierëve është e nevojshme për të garantuar menaxhimin teknik, instalimin, konfigurimin, monitorimin dhe mirëmbajtjen e pajisjeve gjatë gjithë periudhës së zbatimit të marrëveshjes kuadër. Duke qenë se objekti i prokurimit përfshin shërbime riparim dhe mirëmbajtje, personeli me formim në fushat e sipërpërmendura disponon njohuritë dhe aftësitë e nevojshme për identifikimin dhe diagnostikimin e defekteve, mirëmbajtjen parandaluese, zëvendësimin e komponentëve elektronikë apo mekanikë dhe garantimin e funksionimit të vazhdueshëm të pajisjeve.

Po ashtu, kërkesa për një punonjës teknikë lidhet me nevojën për sigurimin e asistencës teknike dhe ndërhyrjeve në terren gjatë zbatimit të kontratës. Ky punonjës duhet të jenë në gatishmëri për trajtimin e problematikave, defekteve, paqartësive apo çdo situatë tjetër që mund të ndikojë në vijueshmërinë e shërbimit.

Gjithashtu, kërkesa që të paktën një nga personat e sipërpërmendur të jenë të trajnuar ose certifikuar nga prodhues/ distributorë të autorizuar /organe kompetente të akredituara ose ekuivalente për mirëmbajtjen e printerëve ose pajisjeve elektronike, është e justifikuar nga nevoja për të garantuar cilësinë e shërbimit, korrektesinë e ndërhyrjeve teknike dhe respektimin e standardeve. Certifikimet përkatëse dëshmojnë se personeli zotëron njohuri të specializuara për pajisjet objekt mirëmbajtjeje dhe është i aftë të kryejë ndërhyrje profesionale sipas praktikave dhe standardeve të njohura të industrisë.

Specifikimet teknike, termat e referencës dhe përlllogaritja e fondit limit janë përgatitur dhe hartuar nga Autoriteti Kontraktor Përfitues (Ministria e Puneve të Brendshme), për nevojat e së cilit, Operatori i Blerjeve të Përqëndruara, në cilësinë e Organit Qendror Blerës kryen procedurën e prokurimit, në zbatim të Ligjit nr. 162/2020 *“Për prokurimin publik”*, i ndryshuar, VKM-në nr.531 datë 7.9.2023 *“Për krijimin e shoqërisë aksionare shtetërore “Operatori i Blerjeve të Përqëndruara” Sh.a për kryerjen e procedurave të veçanta të prokurimit publik, në emër dhe për llogari të Kryeministrit, Ministrive dhe Institucioneve të Varësise”*, i ndryshuar.

Specifikimet teknike janë hartuar nga specialist I fushes për objektin që prokurohet, i ngritur me Urdhër të Titullarit për hartimin e specifikimeve teknike, në përputhje me parashikimet e nenit 4, pika 38/b dhe nenit 36, të LPP, si dhe nenit 41, pika 1, të VKM nr. 285, datë 19.05.2021, “Për miratimin e rregullave të prokurimit publik”, duke argumentuar çdo kërkesë funksionale ose performance, apo/dhe çdo standard të kërkuar, ku çdo referencë duhet të shoqërohet nga fjalët “ose ekuivalenti i tij/saj”.

Specifikimet teknike janë hartuar duke marrë në konsideratë nevojat e Autoritetit Kontraktor, për shërbimet objekt procedure prokurimi, duke përlllogaritur sasitë e nevojshme, karakteristikat e duhura dhe standardet e duhura kombëtare dhe ndërkombëtare, sipas parashikimeve të nenit 4, pika 38/b dhe nenit 36, të ligjit nr.162/2020 *“Për Prokurimin Publik”*, i ndryshuar si dhe nenit 41, pika 2, të VKM nr. 285, datë 19.05.2021 *“Për miratimin e rregullave të prokurimit publik”* i ndryshuar duke u bazuar në përvojën dhe eksperiencën e viteve të kaluara që ka rezultuar e sukseshme. Specifikimet teknike, për shërbimin objekt prokurimi, përshkruajnë minimumin ose tërësinë e elementeve më të rëndësishme përbërëse, që garantojnë cilësinë e kërkuar, dhe që i vlerëson mallrat si të pranueshme për funksionet e kërkuara, në përputhje me parashikimet e nenit 4, pika 38/b dhe nenit 36, të LPP, si dhe nenit 42, pika 2, të VKM nr. 285, datë 19.05.2021, *“Për*

miratimin e rregullave të prokurimit publik”, duke argumentuar çdo kërkesë funksionale ose performance, apo/dhe çdo standard të kërkuar, ku çdo referencë shoqërohet nga fjalët “ose ekuivalenti i tij/saj”.